



唐書直筆新例



不呂夏卿撰

帝紀第一

帝諱



王者帝天下名所以事宗廟禮天地也其餘接見臣下從謙稱則名無所通焉帝諱之例始于范曄陳壽古今之通制也史記漢書不載帝諱失於簡略也

漢高祖以劉季稱光武以文叔稱然則帝之有字尚矣唐高祖字叔德劉敬之書不載史之闕文也

書母

禮家貴嫡示天下之本也非嫡則不書母母以子貴子以母貴子以然後書所以生於母傳正也

代宗紀書曰母章恭吳皇后餘則不書所生母如元獻楊太后傳中載生肅宗故略於此

繼世而立書即位用常文

書曰皇太子即位於柩前書柩前示承顧命之重也

維故而立其賊不討則為子之誼輕不稱太子無嗣父之道也

文宗紀曰寶曆二年十二月皇帝即位恭宗遇弒文宗以弟繼

統縱賊不討貶也穆宗紀書曰元和十五年正月皇帝即位不

稱太子者陳弘志不討則太子之誼不明故從兄弟稱用文宗

例明以帝志而立也哀帝紀書曰景龍四年六月温王即皇帝

位天祐元年八月輝王即皇帝位微不足以討賊非貶也不稱

皇太子者矯先君之顧命出於一時之權宜故但以温王輝王書

內禪

內禪非正之制也涉權宜而逼大體則書踐祚而不稱太子傳襲

計定人無異志則書踐祚而不稱皇帝若讓不忍嗣然

睿宗紀書曰

高祖高宗紀書曰武德九年八月皇帝傳位為太上皇先天元

年八月皇帝傳位為太上皇太宗明皇紀書曰八月太上皇傳位皇

明皇紀書曰

帝踐祚于顯德殿八月太上皇傳位庚子皇帝踐祚于武德殿

太宗明皇紀皆先載建成元吉太平公主之難及事尅內禪之

命行焉臣子之謀非一朝一夕之故變日居傳位之下復出太

上皇傳位明神器有所授也順宗紀書曰正元二十一年八月

皇帝傳位于皇太子憲宗紀書曰正元二十一年八月內禪乙

巳皇太子踐祚于宣政殿錄內禪以起踐祚者人望所屬宗廟

有主推天命之歸故不書太上傳位不嫌所授不明也受內禪

不書即位嫌父在而取大寶稱踐祚明代父之誼從緩文

立皇太子

太子社稷之繫父在不得以君稱書名從臣下之辭人神所歸則

書立

睿宗紀書曰景雲元年七月立皇太子隆基是也

立不以正非天下之心所在則書子從私恩也

高宗紀書曰永隆元年八月立子哲為皇太子是也

太子薨不名謚葬在乎傳不成恩也德或無良雖嫡亦絀先書廢從天下之志也

文宗紀書曰開成三年九月廢皇太子永與太宗紀廢皇太子承乾同文天下之人知其可廢亦不足以為君故先云廢從緩平忍辭

嬖奪其恩廢不以過後書廢非得罪於天下天下不知太子之廢也

明皇紀書曰開元二十五年四月皇太子忠廢皇太子賢廢同文謂無可奪之罪後云廢從緩不忍辭

其德足以奉裸匕而失愛君親罹于非命書殺迫也

中宗紀書曰景龍三年七月殺皇太子重俊不書部下所殺稱君命以紓海內之痛

立皇后

皇后共承宗廟海內之母立以德不以愛正家之道也先書君命

正也

太宗紀書曰武德九年八月立皇后長孫氏先書立德選肅宗紀書曰至德元年四月立皇后張氏同文張氏雖以凶終然其惡不累故用異例

廢以罪不以私則書廢從天下之人廢之也

明皇紀書曰開元十二年六月廢皇后王氏不稱廢為庶人嫌齊體之偏也王皇后詔載于本傳若無罪不出詔加罪之誣不足信于後人也

立以嬖女不以德廢以譖不以罪則異文見實

中宗紀書曰神龍元年立妃韋氏為皇后高宗紀書曰永徽六年七月皇后王氏廢是也

以愛奪權以計得眾立非恩德則從自立文

高宗紀書永徽六年十月皇后武氏立是也凡立后恩澤皆出於已大赦天下老人賜粟不出高宗紀者惡武后之立正始而杜

漸故但載武后本傳

國變遭紕書權臣之命幽逼致崩云死唯皇后不云殺嫌齊體也  
哀帝紀書曰天祐二年十二月皇后何氏死乙酉朱温追廢皇  
太后何氏是也庚戌輟郊詔載于何后本傳者惡朱温之誣故  
不出哀紀

宰相拜復

宰相國之股肱升黜書于紀重安危之本也書得人亦脩官

睿宗紀書曰景龍四年四月以許州刺史姚元崇為丞相不書  
為兵部尚書同中書門下三品具本傳  
平康官書君命懲濫恩也

明皇紀書曰開元二十四年十一月牛仙客為丞相也

用得其人功利社稷因其媒薛子而輟柄用則先名而後免  
明皇紀書曰開元二十四年十二月丞相張九齡罷以一時之  
罪而惜其功不欲聞罪免之命故後罷用緩辭於本傳復書某

月某日罷以某代之足紀文也罷相之後或更方鎮遷他官皆

詳於本傳

不勝其任以過而罷則先免而名國罰明也

此項注有脫誤

德宗紀書曰正元十一年四月丞相陸贄貶于忠州贄以太子  
賓客貶忠州別駕猶丞相書者繇上意之回惑庸讒之枉譖雖  
竄謫善人遠方而天下之望不替故猶稱丞相不書別駕而稱  
貶者君命實放逐不敢虛器所加從略  
有罪之放先書貶錄過以正罰則罪名正而天下服

德宗紀書曰建中四年十二月貶丞相盧杞于新州位浮其材  
海內知其可去故先書貶竄之命

宰相薨于位書名而不氏

代宗紀書曰大歷十二年有七月丞相綰薨是也罷相書氏  
大勲勞書薨記功也賢臣死於貶所書地隱之也

德宗紀書建中元年五月汾陽王郭子儀薨正元五年八月庚

成西平王李晟薨錄勲勞也德宗紀書曰大和九年七月丞相  
陸贄卒于忠州文宗紀書曰大和九年七月丞相宋申錫卒于  
開州非罪而黜雖死書舊官記終也變薨言卒者傷賢臣不復  
故輕文譏王者不能用舊臣也宗室屬遠亦書明皇紀書曰天  
寶十一載十月信安王禕薨是也

賢臣云亡海內所痛位名氏備而書卒若廢朝簡而贈賻殺則不  
書

殺宗紀書曰長慶四年十二月吏部侍郎韓愈卒賢臣記終也  
賢相告老乞骸骨書薨兩賢臣異文文宗紀書開成四年三月  
晉國公裴度薨不書丞相罷也

殺大臣有罪書伏誅無罪書賜死非君命書害

代宗紀書曰大歷十二年五月宰相元載伏誅國法行也中宗  
紀書曰天授二年十月左丞岑長倩賜死逼君命也中宗紀書  
曰神龍二年某月武三思害侍中桓彥範及劾暉袁恕已太宗紀書曰

九年十一月仇士良害宰相王涯及賈餗舒元興書三思與士  
良之名惡專戮大臣也

餘臣有罪書誅無罪書殺

明皇紀書曰天寶六年春正月誅北海太守李邕開元二十五  
年三月殺監察御史周子諒書誅者成法不可變王者至公之  
刑也書殺者觸威忤旨罹於非命王者一時之罰也

命將征伐

征伐國家廢興之太政也將得人書帥師討有罪書伐

高宗紀書曰乾封元年十月遼東道大總管李勣帥師伐高麗  
不云命司空英國公李勣為遼東道大總管者紀書成命傳其  
實事也

將非其人書王師伐不得罪大戰書及

明皇紀書曰天寶十四年四月王師及雲南大戰于瀘川敗績  
不書劔南節度使鮮于仲通將之者貶無功也書及者無名興

師及爭土拓地玩威喪徒國家危亡之釁故不書王師不勝通以敗績書

將擅出師雖伐得罪出而有功皆書自專

書曰某月某日將軍某以師伐某國以者左右自用之文

官軍失利以將名師惡衄國也効命而死書失利將奔北俘辱書大敗

明皇紀書曰開元二十年閏三月郭英傑之師失利於都山英

傑死之英傑蹈義喪元不隕臣節書死而再名嘉之也明皇紀

書曰天寶十四年十二月封常清之師大敗于罌瓦子谷幸陝

郡十五年六月哥舒翰之師大敗于靈寶執哥舒翰翰及常清

奔書執之再名罪失律也英傑常清皆一時名將雖敗軍猶不

稱王師  
王師有功執其醜虜書獲

明皇紀書曰天寶十四年十二月常山太守顏杲卿敗安祿山

之軍獲其將何千年高邈以似禽獸稱獲

將以辱命而誅書斬于軍中否則書斬殺無罪也

明皇紀書曰天寶十四年十二月高仙芝封常清斬于軍中誅

辱命也勝負之勢用兵常數士不素習輿尸奔北雖用國法必

申而其罪可貫用輕文書曰某軍斬將軍某

裨校之屬雖有功書元帥之名重兵柄之分也

德宗紀書曰建中二年十月宣義節度劉洽破青淄李納之軍

於徐州不書神策將曲環名一軍政於劉洽也

執戎狄則大將不名不以蠻夷抗中國也

太宗紀書曰貞觀四年三月執突厥頡利可汗是也以能禽之

破夷狄

破夷狄必稱王師

太宗紀書曰王師破突厥於陰山不書李靖之名舉中國之重

也其餘具突厥靖傳

不稱王師者黠兵窮武非中國之道用輕文

太宗紀書十四年八月平高昌城十九年五月甲申收遼東城是也

戎狄之心勢窮則幸生服叛不一無嚮化之常唯可汗來奔則書

太宗紀書三年十二月突厥利可汗鉢苾來奔其餘雖名王酋

豪來皆載之本傳不列帝紀不與中國受叛人也明皇開元二

年突厥默啜妹婿火拔頡利發石失畢來奔不書明皇紀是也

戎狄之俘獻于社廟不書大將之名受俘亦如之懲首事也

太宗明皇紀書曰貞觀四年三月獻突厥之俘于太廟二十三

年正月獻龜茲之俘于社廟開元二十年五月皇帝御應天門

受契丹俘是也

中國之俘獻于社廟皆書大將之名受俘亦如之褒大功也

高宗憲宗紀書曰武德二年七月秦王獻寶建德王世充之俘

憲宗紀書曰

于太廟元和十四年二月皇帝御興安門受田弘正所獻李師

道之俘是也

宰相統兵書天子遣師重本朝之寄也

憲宗昭宗紀書曰元和十二年八月裴度征淮西吳元濟皇帝

御通化門遣師龍紀元年五月張濬征太原李克用帝御安喜

門再拜銜涕而辭上賜之犀帶具本傳

公主下降

公主下嫁夷狄必書逆女之使

太宗紀書曰十三年十二月吐谷渾遣使來逆女十四年二月

弘化公主歸于吐谷渾春秋紀裂繻來逆女中國之臣得以名

通吐谷渾慕容諾曷鉢逆女不書名唯以使稱賤夷狄也

不書逆女之使以公主大歸為名

淮陽王道明送弘化公主不書本紀尊中國也具吐谷渾傳而

已

夷狄求婚之使不書於紀使若其請不必皆然

正觀十四年六月薛延陀遣使求婚具吐蕃傳是也中宗紀書曰景龍三年十一月吐蕃遣使逆女四年正月車駕幸始平送金城公主歸吐蕃緣當時之意故異文非新例也曲赦咸陽故不書于紀具吐蕃傳足本傳之文也

公主釐降無求婚逆女之使則不書于紀禮不足也

開元五年固安公主妻奚首領李大酺永樂公主妻李失活乾元元年肅宗弟二女寧國公主出降回紇皆具本傳而略於帝紀為中國諱也

公主降夷狄無子絕歸則書自還

肅宗紀書曰乾元二年八月寧親公主自回紇還是也

結好不固以師而歸變文書至喜之也

武宗紀書曰會昌三年三月太和公主至自回紇是也公主死於外國則書於帝紀而略於本傳為中國痛也

外書曰某月某日公主薨于某國是也

夷狄之君赴告不書于紀賤之也

春秋吳越之國卒而不書葬惡其僭而失札夷狄外宗稱蕃而臣其一國風化之所不及至者以禽獸視之卒雖赴告當列于

外傳本朝內屬書本傳備慢防之易也

聖人內寧必有外憂許夷狄者而夏故四夷奉珍獻寶奔走京師其心非素被天王之化顧其勢使然故不列帝紀是不忘預防之警

結好之盟先書戎狄以明汲汲也

德宗紀書曰建中四年正月吐蕃及鳳翔節度使張鎰盟于清水戎狄無信盟詛末節要以神明之信非中國之福故先書吐蕃示汲汲于中國也不書吐蕃相尚結贊之名所以重中夏也渝盟有變則不地

德宗紀書曰頭元二年閏月吐蕃及侍中渾瑊盟執我行人崔漢衡路泌已下皆不書微也

戎狄乞盟不書涖盟之臣蒙上文也

穆宗紀書曰長慶元年九月遣使吐蕃乞盟十月及吐蕃盟不地不書丞相植涖盟皆具吐蕃本傳

乱臣

乱臣賊子其謀有漸王者執馭下之柄必防微塞源焉書起而不云叛責失御也

明皇紀書曰天寶十四年十一月安祿山起于漁陽是也

負固怙乱之雄乘伺釁隙而作有國所不免書叛有地也

德宗憲宗紀書曰興元元年二月李懷光以河中叛是也元和

二年十月李錡以潤州叛是也

無地書據

劉闢以西川行軍司馬因韋臯之薨竊據成都憲宗紀書曰正

元二十一年八月劉闢據成都以叛無地也竊地自固非君命所授用自立文

德宗紀書曰建中二年二月梁崇義以襄陽自立以五使宣諭

李舟如荆襄拒境不納是反狀已明至是加崇義同平章事

不受詔故以崇義自立為文

軍逐其帥不預謀而立用眾立文

穆宗紀書曰長慶元年七月幽州立其帥朱克融是也不書立

洄具本傳

蕃臣失撫馭之和以罹逼脅以眾逐文

穆宗紀書曰長慶元年七月幽州逐其帥張弘正是也

非意之變失備見逐書奔

女宗紀書曰大和五年正月李載義自幽州出奔是也

春秋諸侯之子列於盟會則位定方鎮之孤以留後自立朝廷因

而授之容非篡盜書立

德宗紀書曰正元二年六月滄州程懷直立是也不書程日華卒者方鎮不卒

拒君命於外失臣子之義書拒命以見惡

肅宗紀書曰上元三年二月來琪以襄陽拒命是也不云叛其惡

輕帝紀第一下

方鎮

方鎮逞兵以闕王士侵轅得地圍城皆同文

圍中元翼於深二

穆宗紀書曰長慶五年十月成德王庭湊入幽州元年十月月

成德王庭湊圍中元翼於深州不書入者惡其以幽州降湊書

曰及者惡其專也德宗建中四年正月淮西李希烈寇汝州不書

其將以希烈首惡也

方鎮違命擅甲兵以侵軼其首首惡故不書將

春秋諸侯大夫帥師皆書方鎮專征犯上無君之惡莫大焉故

削其將兵之臣名則其惡不分深繩之也

王師破方鎮之兵書而繫以名

德宗紀書曰建中二年七月馬燧破魏博田悅之軍于雙岡書

破示勸絕凶逆魏博者惡悅以地自專故書破用國文

弃地不書名重圍絕援其力不足以自全雖奔諱其惡

肅宗紀書曰至德元年十月初弃平原郡二年初弃靈昌

郡不書顏真卿許叔冀之名力不足也肅宗紀書曰至德二年五

月魯吳自南陽歸襄陽穆宗紀書曰長慶二年四月牛元翼自

深來歸奔師若全師來歸也

方鎮不軌王臣不能固守墮節而喪國土書地以見重

德宗紀書曰

德宗懿宗紀書曰建中四年十二月李澄以滑州降李希烈咸

通九年十月崔雍以和州降龐勛是也

方鎮叛亡之人書歸以明同惡

代宗紀書曰大歷十年正月昭義叛卒裴志清歸于田承嗣是

也

方鎮敗王者之師書不利以避衄國

德宗紀書曰建中四年九月王師及淮西李希烈戰于襄城失利不書哥舒翰者師為重也

方鎮熾結扼王土之衝足以為一時之患則書之

德宗紀書曰建中二年三月淄青李正己以兵屯濟陰是也方鎮擅徙所居則書之

德宗紀書曰建中三年七月淮西李希烈遷于許州代宗紀書曰大歷十二年某月淄青李正己遷于鄆州是也

方鎮因釁篡逐用兩下相圖文

代宗紀書曰大歷十四年淮西李希烈逐李忠臣憲宗紀書曰元和四年十一月蔡州吳少陽殺吳元慶皆不書其帥

方鎮承命以討叛則書帥師

德宗紀書曰建中二年八月淮西李希烈帥師伐山南梁崇義是也

攻伐非君命則以國抗

代宗紀書曰大歷十年十月易定李寶臣敗魏博之軍於青水不書敗田承嗣之將盧子期者不與寶臣尋戈擅命也

王師克土書收大將以恩信得其地書入其下捨逆以聽命書歸順其下取元惡以自効書獻

德宗紀書曰建中四年三月李臯收黃州某月李臯入安州明不用甲兵也代宗紀書曰大歷十一年十一月吳希光以瀛州歸順憲宗紀書曰元和二年十月浙西裴文良執李錡以獻十四年二月淄青劉悟斬李師道以獻不云其帥者獲罪於朝不得以臣子申故用兩下文

王師平方鎮先得地而申戮若凶渠授首而闔境甫定則先得雋而後地

憲宗紀書曰元和十二年十月王師平淮西吳元濟斬于京師其民以染汙俗無向化之心環數千里之地甲兵富強踰年然後破

錄先剪其境土乃得元惡故先書平淮西後云元濟斬也武宗紀書曰會昌四年八月王師斬劉稹澤潞平罪人共得故書王師斬劉稹各用便文也平淮西澤潞不書李愬石雄而書王師申國威也

方鎮之寄脅於權宜則書失地之漸宰相失廟堂之謀徇方鎮之請則書授地以罪之

穆宗紀書曰元和十五年十月初失澤潞謂以劉悟為昭義軍節度使是書失地之漸也敬宗紀書曰寶曆元年十二月宰相李逢吉以澤潞授劉從諫以弃地罪逢吉

方鎮距命奪官爵絕朝貢示天罰之必行也

穆宗紀書曰元和四年十月削成德王承宗官爵元和十年七月絕成德王承宗朝貢書地以明國章

討叛命將稱詔

明皇代宗憲宗紀書曰天寶十四年十一月詔封常清帥師討

代宗紀書曰

安祿山大曆十年四月詔馬燧帥師討李靈曜元和十一年九月詔李愬帥師討吳元濟是也

憲宗紀書曰

命將權鈞力齊則不書統帥之名

肅宗紀書曰乾元元年九月詔九節度之師討安慶緒不書郭子儀李光弼之名軍政不一也憲宗紀書曰元和十一年正月詔六鎮之師討王承宗不書河東幽州盧龍義成橫海魏博昭義節度亦此義也

伐叛因其黨斬首遂平則不書王師之功

德宗紀書曰貞元元年七月李懷光斬于河中者以賊將牛勣俊斬懷光首以城降故不書馬燧之功

守土之帥以師相攻擅甲兵之威蔑朝廷之命則書舉兵攻地

代宗紀書曰永泰元年五月漢州刺史崔寧舉兵攻劔南不書攻郭英義以王事為重也

守土之帥乘甲兵土地之勢固封疆以樹腹心則書地以記薨君

子樂善而嫁惡雖功有餘而心不至者皆得以臣道終

順宗紀書曰元和二年十一月八日韋臯薨于成都先薨後地者因其薨殂得地如晉陶侃薨而得荊州之類

軍亂其帥見殺以非罪書遇害  
文宗紀書曰大和四年二月興元軍叛其帥李絳遇害先叛後殺者聞軍變尚冀其生不忍聞其死用緩文

軍亂殺其帥以罪書衆殺  
憲宗紀書曰寶曆二年五月幽州殺其帥朱克明

方鎮効順舉族還朝書歸地  
憲宗紀書曰元和五年十二月張茂昭以易定來歸非兵革所加而得其地書入以褒忠臣其地襲為已有必其心堅於効順乃得之故以來觀賜對為書歸地之日不以管籥符印付任簡迪為歸地也書歸以明舊地  
逼於天時懼罪入覲書得地

憲宗紀書曰元和三年九月庚寅復得襄陽先是于頔為其子所諷歸朝入覲至是日冊拜司空以裴均為山南東道節度使是朝廷始復得故地因以是日書復襄陽也非其心効順故不書頔以襄陽來歸朝廷喜得地而貸罪國法無所申故不書頔至襄陽也憲宗紀書曰元和十四年八月己酉復得宣武韓弘以七月戊寅來朝願奉朝請至日拜司徒癸丑以張弘靖為宣武節度使是朝廷以弘靖堅為戎務始復故地因以癸酉為復得宣武與于頔事同唯得地以定弘靖受命緩故書己酉非異例

方鎮昭洗一時之計先書輸賦獻地以蓋國恥

憲宗紀書曰元和五年七月庚子成德王承宗請輸常賦以緩師丁未昭洗王承宗復其官爵十三年三月甲寅成德王承宗獻德博二州以緩師庚辰昭洗王承宗復其官爵先是五年承宗請輸常賦朝廷降受官吏不書紀者以輸賦為重于時昭洗

之命因師道劉總亟請不得已而從之不書師道請者宥過正  
罰國家常法非得緣於臣子之請故不書稱緩師豫當時之志  
也

春秋之法陽虎以家臣竊寶玉大弓書盜求名亡也方鎮之重以  
狙詐陰竊發於輦轂欲不知於人主者必窮姦而正罪名故備書  
盜名不得蓋示大惡於天下也

憲宗紀書曰元和十年三月淄青李師道盜焚河陰轉運院十  
一年正月成德王承宗盜斷建陵門戟十一月成德王承宗盜  
獻陵寢宮十年六月成德王承宗盜殺宰相武元衡傷御史大  
夫裴度不書遣張晏等刺元衡及焚河陰院屋數斫建陵門戟  
竿數皆不書者本傳載其事以見惡故紀略文

方鎮來朝必書功臣則否擁兵入覲國家休戚之本書入朝臣禮  
之失也

代宗紀書曰大歷九年九月幽州朱泚來朝始通幽州也泚以

七月使弟滔奉表以入朝以九月至京師故九月乃書實朝  
如大歷二年郭子儀李抱玉三年馬璘四年魏少游來朝皆臣  
子常禮載之本傳昭宗紀書曰乾寧元年正月鳳翔李茂貞入  
朝不書來朝迹嫌勢逼不與其來也書示臣禮猶存焉昭宗紀  
書曰二年五月鳳翔李茂貞邠州韓建至京師凌轢王室臣禮  
替矣變朝書至譏暴也

方鎮失地而朝書奔去地書至

代宗紀書曰大歷十四年三月汴宋李忠臣奔于京師先是忠  
臣為李希烈所逐狼狽歸朝故不書來朝憲宗紀書曰元和十四  
年韓公武至自鄜坊也文宗紀書曰太和三年十一月王智興  
至自徐州書始去徐州也

權臣出入必書宴對亦書

昭宗紀書曰天復三年二月朱温歸大梁宴于內殿置酒于延  
喜門天祐元年五月朱温歸大梁宴于崇勳殿七月朱温至京

師宴于文思球場十月朱温自河中至京師對于崇勳殿甲午朱温歸大梁書逼也

### 權臣

權臣征伐書名得地不書殺敵

昭宗紀書曰景福二年四月朱温取徐州時溥死先是温使將王重師牛存節陷徐州溥殺死不書殺者惡其擅國書溥自死不與温之專戮也得地猶名者赤寸之地得之非唐所有故本温志以篡取為文又書曰乾寧四年正月朱温取鄆州朱瑄死二月朱温取兗州朱瑾出奔不書其將龐師古葛從周及王重師牛存節之名以温首惡也不書帥師惡其得眾自大書取使若用竒乘間也

權臣以號自大雖朝廷所授皆以自稱書

昭宗紀書曰天復三年二月朱温自稱諸道兵馬副元帥天祐二年十一月朱温自號魏王備九錫也

權臣擅命屠害忠良以謀翦王室宰相不道賊賢臣以逞憾皆用兩下相殺文

僖宗紀書曰景福二年九月李茂正哀帝殺宰相杜讓能昭宗紀書

曰天祐二年十二月朱温殺宰相柳璨光化三年六月崔裔殺宰相王搏讓能以雷州司戶柳璨以登州刺史見害猶以宰相書者惡殺大臣也

權臣殺皇子則地

昭宗紀書曰乾寧四年八月朱温殺十二王于石隄谷書地痛之也哀帝紀書曰天祐元年八月朱温殺六王于西內不書蔣玄暉殺之者本朱温志也

國變擾攘大臣見害於圍逼則書遇害

僖宗紀書曰廣明元年十二月于琮崔沆豆盧瑑為黃巢所害是也

權臣睚眦書得地之始以謹召乱之階

僖宗紀書光啓元年三月董昌初得越州錢鏐初得杭州七月李茂頭初得鳳翔中和三年五月朱温初得汴州書得地之張本權臣任用之漸必直文以示義

明皇紀書曰天寶二十九年補七月以安祿山為營州刺史平盧節度副使僖宗紀書曰咸通十一年正月以李國昌為振武節度使中和元年八月王鐸以朱温為華州刺史始見祿山國昌朱温之惡也

權臣闕窬神器遷徙都邑以奉天子為文

昭宗紀書曰天祐元年閏四月朱温奉天子都于洛陽不書遷諱逼脅也不書甲辰天子至洛陽者非天子之意也故不書至餘具崔裔傳

四夷冊立弔祭之使不書不以中國臨夷狄也

如元和十六年六月以少府少監李銑持節赴南詔冊立左贊善大夫許堯佐副之不書憲宗紀若使人傳無殊尤之事則具

### 夷狄之傳

唐制大喪天子以卿大夫告于四夷則書于紀太皇太后皇太后皇后之喪方鎮遣使以告則書本傳

如元和十一年四月秋后崩劔南李夷簡遣使南詔告哀餘具夷簡傳

戎狄方鎮拘行人以距命賤者名而不官

太宗紀書正觀八年十二月吐谷渾執我行人趙道德不書鴻臚丞官微也

### 宣慰宣諭使

宣慰宣諭使被執稱以異國絕之也先使後執不與逆臣繫王人從緩文

德宗紀書曰建中四年四月太子太師顏真卿使于淮西被執不書李希烈軍者春秋衛伐凡伯貶之稱戎希烈肆不臣之逆故豫其志以國稱深貶之也不書宣慰者君命不申也

使出疆能利社稷安人民不辱君命則書宣慰宣諭之名

德宗紀書曰建中四年十二月以給事中孔巢父宣慰田悅  
軍長慶二年三月以兵部侍郎韓愈宣慰王庭湊軍不云魏博  
及鎮州者元惡懼伏不失臣節不用國文  
行人不能度權宜防變以辱君命則書國殺

德宗紀書曰建中四年七月給事中孔巢父遇害于河中惡國  
威之沮廢故懷光得以稱國用重文與顏真卿異例

王者受命必有驅除故僭命餘孽用敵國之文攻剋王土則書陷  
王師失利書戰而後敗敵國之臣得以名通侵伐書將

高祖紀書曰武德二年九月劉武周陷我并州七月王世充使  
其將羅士信侵我穀州書將用敵國之禮又書曰武德二年九  
月王師及劉武周戰于介州敗績王師之敗先書者非剋會期  
日以決勝負遇敵來戰失備致敗從緩文不書裴寂敗姜寶死  
輿尸辱命用微者之文

王師勝捷則書大將之名小捷用計詭勝書破

高祖紀書曰武德元年九月秦王帥師及薛仁果戰于淺水原  
大敗之俘馘具仁果傳又書曰武德二年十一月秦王帥師破  
宋金剛之衆于美良川是小捷用計詭勝同文

### 僭國

僭命之國以地歸順則先人後地

高祖書紀曰武德二年十月羅藝以幽州歸于我五年七月杜  
伏威以江東歸于我以者自專之文

窮蹙之寇以地降用國文

高祖紀書曰武德元年十一月隴西薛仁果降四年十一月荆  
州蕭銑降重以窮兵極討取之國用自降爲文書國以得地爲  
重也

隣國并吞非王師致討書自滅

高祖紀書曰武德二年某月丹陽沈法興滅四年十一月江東

李子通滅五年某月豫章林士弘滅不書李子通王雄誕張善安滅之者強弱吞噬朝廷威力所不加其地不入以不知文僭竊之國因其下一時之計則地以衆書

高祖紀書曰武德三年四月河西執李軌以地歸于我六年五月山東執劉黑闥以歸于我七年二月漢陽殺高開道以地歸于我不書葛德威安脩仁執黑闥李軌張金樹殺開道者以衆書也不云河西山東漁陽平者非甲兵致討而得地從自致文方鎮距命其下以元惡自効則以名見異文也

賊帥來降其地未入而復叛則不書于紀

武德元年八月涼州李軌以地降至十月復叛則書本傳而已強寇病死追國罰書地

高祖代宗紀書曰武德元年八月薛舉死于隴西永泰元年九月僕固懷恩死靈武也強寇夷定則先地後滅略將以明威

高祖紀書曰武德四年五月王師平河北竇建德滅丙寅王師平河南王世充滅三年王師平并州劉武周滅先地後滅以得地為重不云秦王平建德世充者略將以明威

叛臣肆噬取元惡而宥枝附則不用方鎮敵國之文憲宗紀書曰元和元年九月高宗文擒劉闢平成都一方脅從民本非懷二必先得雋乃取其地故後云平成都

逆臣竊大號書地示不通於天下

明宗德宗肅宗僖宗紀書曰天寶十五年正月安祿山替即皇帝位於洛陽肅宗紀書曰二年四月史思明僭即皇帝位於范陽建中三年十一月朱滔王武俊田悅僭即王位於魏縣四年十月朱珣僭即皇帝位於京師廣明元年十二月黃巢僭即皇帝位於京師是也

逼脅于紀原心定罪不用僭文

代宗昭宗僖宗紀書曰廣德元年十月吐蕃以廣武王承宏為

信宗紀書曰

昭宗紀書曰

皇帝光啓二年十月朱以嗣襄王煜為皇帝光化三年十一月劉季述以太子裕為皇帝是也

僭命之盜為子所弑雖得罪於天下而父子之義存焉天下所不容故不書竊位而記其亡終故事

肅宗紀書曰至德二年正月安祿山為子慶緒所殺上元二年三月史思明為其子朝義所殺乾元二年三月安慶緒亡代宗紀書曰寶應元年史朝義亡悖義負固自取潰爛故書亡其地未入朝廷不書平慶緒朝義皆不書即偽位具本傳

義師

王室有變舉義以謀興復則異文以見志

中宗紀書曰垂拱四年八月越王舉師于豫州九月越王敗績光宅元年九月徐敬業舉兵于揚州十二月徐敬業敗績凡討叛必命將不書岑長倩張光輔鞠崇裕李孝逸討越王敬業者不與武氏之抗義舉也敬業雖以興復為名其迹可疑故不

用越王之文特書起兵不書斬越王及敬業隱之也

巡幸

王者孽謠俗之善惡知王業之艱難其行以時則書幸不書還宮

明皇紀書曰開元十年十月幸興慶宮不書還宮者雖踰月民不知勞故不書

出非其時稱駕所至書還宮

明皇紀書曰天寶八年十月車駕至華清宮九年正月車駕還

宮不書皇帝者習盤遊之樂損萬乘之威以車駕稱輕銜槩之

變亡魚服之辱書還宮以見其志明皇是歲幸華清宮踰時亡

反受朝賀於離宮故危之

征伐巡守得禮書帝失禮書詔踰宿則皆書至

明皇紀書曰開元十一年正月皇帝北巡守三月白帝至京師得禮也太宗紀書曰貞觀十九年二月詔親征高麗二十年皇

帝至自高麗失禮也以萬乘之重爭無人之地馳驟不測之險危之道也故書詔征不使帝者當失禮之過也得禮則書至京師示無虞也失禮則書至自某所者乘輿來還以前事過舉擾民玩威下情離動變生非常故不書至京師

朝賀

受朝賀失禮則地不受朝賀則不書朔

明皇紀書曰天寶九載正月朔受朝賀於華清宮失禮也德宗

憲宗紀書曰元二年元和十年正月皇帝不受朝賀以歲

饑及宿師罷元會皆不書朔

宴饗

燕會得禮則書地失禮則書宴

憲宗紀書曰

正月

明皇憲宗紀書曰天寶十四載三月勤政樓宴群臣十三年麟

德殿宴群臣得術樂慈惠之道行於禮而後於酒食故後書宴

中宗恭宗紀書曰景龍四年宴群臣於芳林園寶曆二年九月

宴群臣於宣和殿禮至於瀆有濡首俄弁之咎是厚於酒食而

忘鹿鳴精誠之意故先書宴賜宴之例則先書賜尊君命也恭

宗文宗紀書曰寶曆二年二月賜群臣上巳節宴曲江亭開成

二年十月賜群臣慶成節宴於曲江亭是也

土木功

土木之功雖用民以時亦書失時之役稱詔

文宗紀書曰大和八年正月修太廟九月二日詔修曲江昆明二

池是時發神策軍修淘曲江從鄭注之邪說故書詔以病奪民

之時也

親蚕

親蚕之禮不書本紀譏后德之不建也

肅宗紀書曰乾元二年三月皇后禮先蚕於苑中高宗之世武

后四親蚕不書其德不足以率天下故載之本傳

籍田

籍田如禮則異文以示勸

高宗紀書曰儀鳳二年正月皇帝躬籍田于北郊明皇紀書曰開元十九年正月皇帝躬籍田於龍池耕籍之禮王者不以身率下則三時怠而生業匱故籍田行禮書躬而稱地欲海內知王化尚農也若如禮以至九推民忘旌農田之勞而相勸於下必異文以示褒明皇肅宗紀書曰開元二十三年正月皇帝有事于籍田肅宗紀書曰乾元二年正月皇帝有事于籍田不云躬耕者勸農率下之意明

失禮過舉之禮

舉難行之事以便世益民則書

明皇紀書曰開元二年秋七月焚玉珠錦繡於殿庭德宗紀書曰大歷十四年閏月罷劍南貢春酒放舞象荆山之陽者是也失禮過舉直文以見惡

肅宗紀書曰乾元元年六月初祠太一神譏淫祀也穆宗紀書

曰元和十五年九月大合樂於魚藻譏喪制未踰年也

封禪朝陵備于志車駕順動之節書于紀重王者出入也賜酺肆赦必書一時之澤

高宗紀書曰麟德二年十月皇帝發東都乾封元年正月皇帝封太山禪社首四月皇帝至自太山明皇紀書曰開元十三年亦如之其車輅次頓御壇受賀皆見本志唯大赦賜酺備于本紀明皇紀書曰開元十七年十一月皇帝發東都朝五陵戊申皇帝至自朝陵其餘丙申謁槁陵戊戌謁定陵皆見本志惟還宮大赦天下流移人並放還已下載于本紀

災祥

水旱日月蝕星孛霜蝗地震山崩弛役避殿減膳親錄囚徒遣使賑給則載之本紀

有天地之變而無脩省之實則載之五行天文志懲心不戒也

祥瑞

祥瑞福應之事王者盛德所致則載之本紀以事繼日月否則總於一歲之終

書曰某月鳳皇見於某地某郡獻白龜是以事繼於日月也其餘郡國所書虛美所加則書曰是歲鳳皇見某地某郡獻白龜不實也

詔令

号令詔諭民所取信未行而遽改名存而實亡則不書

如頭觀十五年四月詔以來年四月有事于太山不書太宗紀而見之天文志星索前開元二年十月吐蕃侵渭源詔親征妖虜十五載六月將謀幸蜀下詔親征軋德二年十月下詔親征史思明不書明皇紀而見吐蕃及安史傳

皇太子元服

太子齒胄釋奠加元服謁太廟成君則書于紀

睿宗紀書曰景龍元年八月三年十一月太子釋奠于太學是

也開元七年九月皇太子齒胄于國學八月皇太子加元服乙丑謁太廟二十一年五月皇太子納妃其後太子瑛廢故皆不書明皇紀具瑛本傳

皇后事迹

皇后所行之事不書于紀

如顯慶五年武后宴親族鄰里命婦於并州龍朔元年武后請禁婦女為俳優之戲景龍二年韋后以裙上有五色雲大赦天下神龍元年韋后請天下士庶為出母服百姓二十二成丁五十九免役如此之類亦皆具武韋二后傳舊史載之高宗中宗紀失史法也

列傳第二 凡十條

先後

列傳之作其體有二一曰年二曰事年以先後之事以次之  
傳以年時為先後之差以事迹相類同傳

特傳

備賢愚紀成敗功高行稱特傳

若魏文公裴度陸贄韓愈李德裕皆特立一傳

推父祖以本之係子孫以終之

孝子之志務在顯親人情重於繼躰每傳必備載父祖名謚官  
爵或梗槩其事實傳未必歷譜其子孫之世以終始之功効不  
著於世則父祖之名略之削子孫之係以別他傳

考名字載郡縣

如房瑄字次律席豫字建侯賀知章字季真皆文苑舊集而得  
其字舊史皆不書韓文公南陽人也舊史以為昌黎人如此之

類皆以郡望書非史法也

德業不著而事關一時者附而不名

如武后時宰相張光輔崔元綜等昭宗時宰相朱朴鄭絳等齷齪備位不足立傳附于狄仁傑蕭遘陸辰等傳

賜姓

賜姓之例出于近世旌功烈而親之也悖臣節而不執軌則復其姓

如李寶實臣當為張寶臣是也

夷平亂夏踈平踰內四夷所生非功業垂世則見於本國如僕固懷恩背叛不宜立傳見于本國鐵勒傳

題傳

題傳之目群傳以姓特傳以名功高以事迹偽以地

題傳起于司馬遷班固至范曄離而徧題之文繁不一失史法之舊群傳以姓如李白杜甫同傳是也特傳以名如韓愈李德

舊書中宗本紀神龍元

年五月封敬暉平陽郡裕傳皆具姓名題之是也功高以事如張柬之桓彥範等傳題

王桓彥範扶陽郡王曰五王傳是也迹偽以地者如李正己吳少誠傳題曰淄青李

張柬之漢陽郡王袁正己傳淮西吳少誠傳是也必題者歷代前史取法史記滑稽

怨己南陽郡王崔元刺客倭幸循吏酷吏貨殖游俠日者龜策之題故儒林忠義孝

友隱逸節婦等傳如此之類既不可離而徧題之是則題傳之

目不可廢也

宗室

宗室之子雖有功德亦承本傳

如李適之李臯李逸李嵩李常李巨李國貞等各附本祖

常山王曹王鄭王淮安王吳王瓚王傳尚親也

宗寶奪其權凡列傳之類有六冠以后妃尊也以次宗室諸王親也列以僭國

新書本紀不書受命之始也序以一時之君臣善惡之總也繼以四夷王化之及

封王而書罷至也終以逆臣成敗之歸也

后妃傳次以宗室宗室傳次以十八帝諸子題曰高祖諸子傳

列傳則題曰五王

不當參列傳之間蓋班固取其參連一時之事故離列傳之間  
唐室諸王不出閣未嘗干預時政不測成敗不立勞効前序母  
氏所生後載子孫相承以備一代史書之躰故不當循班固  
條列十八帝諸子之後次李密王世充已下至黃巢秦宗權而  
傳終

凡褒者卒月貶者卒年其餘從略有功德則壽

貞

如韓愈傳書曰寶歷元年十二月卒褒也韋阜傳曰元二十  
一年卒貶也有功德則壽年若干謹終也郭子儀傳書曰年八  
十五李晟傳書年六十五

謚贈

謚贈之數非功德不書懲及倖也

謚法及贈官非其人有功德則不書

論議

論議表章以明君上之得失補國家之利害非當時所通行則不

書

如舊史李伯藥傳載封建論朱敬則傳載五等論白居易傳  
與元稹書今皆削而不載

論貨殖之弊陳禮樂之原則志之

如陸贄諫置瓊林大盈二庫狀韓文公請遷明皇帝議禘祫議  
皆附貨殖及郊祀志

疏軍旅之宜斥姦邪之惡則見之他傳

如權文公韓文公淮西招討事宜及黃家事賦宜狀見于元濟傳  
及南蠻傳陸贄論裴延齡事宜見于延齡傳

辭雖隱非所以便世梗槩其事而略其辭

疏之所陳不足以通行則槩舉其事不復勝載

詩賦之作足以揄揚國體而明功烈則見之

如杜甫三大禮賦李白明堂賦宜見之本傳元結中興頌見之  
安史傳柳宗元方城皇武二雅見之裴度李愬傳

詔策之實足以信後代則擴其辭

詔告君命削其繁誣而載其實事則見之本傳

官爵升易

官爵升易不常所居有善則書

如鄭餘慶傳官至殿中侍御史別無異迹皆不書至遷工部侍郎知吏部選事上疏論列諸葛迹事一節可稱則具書官不尔則否

循吏儒林文苑忠烈孝友隱逸節婦皆得一端則標其傳而總目之

其餘若酷吏文藝皆不足訓世皆不標其傳名也文苑之名起於范曄如賈至父子李白杜甫王弘中等不特以藝文見稱故別立傳不在文苑傳中

外戚

外戚之家恩澤所授謹厚則無稱侈汰則害教其名附于本傳而

卓然殊尤者立傳

獨孤懷恩元貞皇 若竇德明獨孤懷恩武承嗣韋温等附于太穆王元則天韋后

皇后傳

皇后之傳編世家之間居列傳之末參帝紀之下子長孟堅蔚宗之短也酌古今之法則冠於列傳之首唯陳壽得之

子長以外戚世祿傳龍裳舄舄則編之世家而諸后不顯孟堅以元后事連攝故綴諸后於列傳之末王莽之前以便叙事而後人踵之非通制也天子之尊海內無二雖皇后之貴有臣妾之體蔚宗紀則君臣之誼渾矣故冠之列傳進退得史之體

帝王之興必由内助家道正則天下正每帝必載后妃

舊史文宗不立后妃武宗王賢妃事闕今取楊嗣復傳事立賢妃傳據李德裕兩朝獻替記德妃暴薨事備王德妃傳則叙事之體具矣

妃嬪之愛敬而定謚或以后稱則傳其實不書后

武惠書曰正順獨孤貴妃不稱曰懿是也

王者之母雖生實妃緣帝者心莫不欲顯親而申養故特以太后稱

元獻揚太后章敬吳太后睿真沈太后懿安郭太后孝明鄭太后恭僖王太后正獻蕭太后元昭聖侯太后皆以子貴不稱皇后

入廟稱后義繫於夫在廟稱太后義緣於子皇太后臨朝總治政事由已則以白王太后某氏稱其餘皇后因子踐祚申尊崇而加號則通以皇后稱

則天皇太后武氏順聖皇太后韋氏皆以臨朝書也韋氏獲罪於天下而國史定名不及於懲惡故韋氏亦以皇太后書舊史題為韋庶人史之過也

公主附后傳之下而出降皆書唯大勳則異傳

平陽公主太平鎮國公主莊懿長公主附太穆寶皇后武氏后昭鄭太后傳下是也

志第三 凡三條

論天文志

司馬遷作史記備載當時沿革為八書攬漢興已來之事有平準河渠封禪之書錄歷代相承之迹有禮樂律曆之書辨古今未明之疑有天官書及班固纂漢書加以刑法郊祀五行郡國藝文名曰十志其天文志仍載四方經星二十八舍躔離之次踵子長天官之舊而日月星辰謫蝕隕石之變復存于五行志是繁冗之失中也

論郡國車服志

唐室十八帝之盛百禮交舉志當時正朔用曆之本曰律歷焉志邦國財用曰貨殖焉志禮樂之訟龍衣曰禮樂焉志宗廟鬼神之常祀曰郊祀焉志高宗明皇<sup>武后</sup>登封降禪之禮曰封禪焉志氣沴之侵奸曰五行焉志邦國之闊狹戶口之衆寡曰地理焉志經籍之總目曰藝文焉志旂章之物色曰車服焉凡兩都宮闕制度園

籟之規摹一朝之舊章也殿牧孳乳之數駭北圈印之名車輅出入征伐武事所急有國之常用也然而歷代未嘗志其名數非通制也兩都宮闕志于郡國之下天下殿牧乘馬之數志于車服之末亦記事之體也

贊論

史記八書漢書十志或有贊論而不必皆備蓋於事未盡梗槩其事而總斷焉後人務欲極文采之麗每志必有贊是拘儒繁文之病也

摘繁文闕誤第四 凡七條

唐書舊史繁蕪闕誤多矣今摘舉大較于右方

高祖紀

高祖紀武德四年十月趙郡王孝恭平荊州獲蕭銑十一月會稽賊帥李子通以其地來降謹按銑及子通傳銑自度救兵不至便率官屬總纒布幘詣李靖請降又無殺掠銑降後數日江南救兵十餘萬一時大至然則銑降得亡國之禮天命之正漢之田橫未足比也本紀縱不足異文亦不當書獲近乎誣矣子通為杜伏威將王雄誕所攻窮蹙請降伏威執之送于京師盡收其地是子通不以地降紀之誤也

太宗紀

太宗紀多載潛龍撥亂之功夫帝王之位非積勞力而致太宗征戰如破魏公而斬宋老生皆王業始基之迹當見之高祖紀敗薛舉降仁杲走宋金剛平劉武周滅建德俘世充翦黑闥擒圓朗

當見之僭國傳武德九年九月丁未引諸衛兵統將習射於顯德殿及每日引數百人於殿前教射自是士卒皆為精銳天生五材孰能去兵自古皆有武備焉太宗以萬乘之尊躬教弧矢帝王之道未為得也載于本紀於文為繁當見突厥傳以示備預如實錄稱其年十二月癸未太宗謂司空裴寂曰比有上書奏事朕粘之屋壁出入觀省如此之類見于本紀之末如漢文帝紀載賜張武之金以愧其心罷露臺以惜費皆帝王之上德故國史之法備載以示也八月甲子即位舊載八月癸亥高祖傳位於皇太子太宗即位於東宮不書即位實曰高祖以癸亥詔太宗以甲子即位日異而事別不書甲子之日是即位遽而父子之道失矣太宗肅宗之例既一而告天之文或載或不載于紀是史法失於繁簡也以寶錄攷之是年宋秦二州慶雲見秦州定州景雲見鳳皇赤雀麒麟騶虞玄狐見于雋台洛麟沂鄭等州當載之本紀也貞觀十八年吐谷渾執行人鴻臚丞趙道德吐谷渾傳云趙德指未知紀傳孰

是

明皇紀

睿宗明皇紀景雲二年五月辛丑西城公主為金仙公主隆昌公主為玉真公主仍置金仙玉真觀開元二年六月內出珠玉繡服等令於正殿前焚之謹按睿宗實錄云三月癸丑制為皇女金仙玉真公主於京城各置一觀仍以金仙玉真為名以年曆推之五月無辛丑明皇實錄云七月出內珠玉錦繡於殿前焚之是二紀日月有誤又景雲二年八月韋安石為左僕射同中書門下三品當在庚申而誤書丁巳開元二年七月襄王重茂薨當書丁未而誤為辛未十一月庚寅葬殤帝實錄書辛卯如此之類實多如天寶十三年九月上御勤政樓試四科制舉入加詩賦實錄所書則是年十月含光殿試舉人加詩賦又十三年十月乙巳畢國公竇瑒薨當在十二月而誤書十月本紀所書日月尤不足信也明皇以延和元年八月受內禪改元先天其年行事猶繫之睿宗至二

年十二月改元開元則其年自正月巳下皆明皇行事不當復稱先天二年尚附睿宗紀也愚謂開元元年即位明皇踐位之始年也睿宗紀先天元年八月庚子帝傳位于皇太子明皇紀復云七月壬子制皇太子可即皇帝位二紀日月誤矣明皇紀載安祿山叛逆之迹繁複不當非成敗之繫當書之祿山本傳本傳載于紀者如十一月丙寅安祿山起漁陽十二月辛卯安祿山陷陳留甲午陷滎陽丁酉陷東京辛丑皇太子帥師討祿山十五載六月乙未皇帝幸蜀丙寅誅楊國忠七月庚申皇帝幸蜀其餘車駕所次皆書祿山本傳從省文春秋之法四時具為年舊史或闕一月或闕一時不書首月多矣憲宗紀元和不書四年正月惟以四月贅二年十二月下簡編之闕也

元獻揚皇后傳

元獻揚皇后傳云開元十七年葬細柳原明皇命張說為誌文云石獸澁兮綠苔黏宿草殘兮白露霑園陵閉兮脂粉暗不知何年

兮開鏡奩按張說集節閔太子妃楊氏墓誌云初上在東宮妃有女弟選為良媛生忠王又載鞠養隱觀忠王之事然則元獻傳云肅宗撫鞠於王妃又引張說誌文皆誤也疑元獻之薨不在開元十七年劉昫誤以節閔妃為元獻后也

程懷直傳

德宗紀元二年六月橫海程日華卒以其子懷直權知軍州事十年三月懷直來朝賜安業宅復令還鎮十一年九月滄州大將程懷信逐其帥程懷直為左龍武統軍至六年十二月巳丑卒猶以左龍武統軍程懷直卒書于紀而本傳云懷直以為懷信所逐因來朝覲德宗優容之賜甲第懷信卒懷直子執恭知留後事乃遣懷直歸滄州十六年卒年四十九按順宗紀元二十一年七月癸巳橫海軍節度使滄州刺史程懷信卒以子副使執恭起復滄州刺史橫海軍節度使是懷直先卒六年然后執恭總留務以是明之執恭非懷直之子懷直未嘗復歸滄州傳之誤也

孔巢父傳

孔巢父傳建中四年宣慰魏博而德宗紀云建中四年十二月癸酉命孔巢父淄青宣慰紀之誤也巢父傳不書啖守盈出使而書守盈遇害傳之闕也

韓愈傳

韓文公父仲卿謹按李白武昌令韓君去思碑及李翱皇甫湜文公行狀神道碑則仲卿以銅陵尉補武昌令徙鄱陽令終校書郎本傳云無名位謬矣文公安定桓王茂五世孫又雲卿有名大曆間亦當見文公傳首如漢書司馬遷楊雄傳例又李翱皇甫湜張籍侯喜賈島李賀文公之高弟也孟郊李觀盧全文公所與也皆無卓然殊尤之實附于文公傳末如漢書唐林尊見于兩龍共傳此

唐書直筆卷

新例須知

高祖

太宗子內禪位

高宗子即位

中宗子即位

睿宗弟即位

玄宗子即位內禪

肅宗子即位

代宗子即位

德宗繼改弟子即位

順宗子即位

憲宗子內禪即位

穆宗子繼即位

敬宗子即位

文宗繼即位

武宗弟即位

宣宗叔即位

懿宗子即位

僖宗子即位

國二百八十九年

昭宗弟即位

哀帝子繼即位

唐書新例須知

高祖至哀帝立十帝十四世享國五百八十九年  
諸王二百一十一  
宰相三百七十一人

高祖十人

太宗二十三人

高宗四十二人

武后六十八

中宗十六人

睿宗十二人

玄宗二十四人

肅宗十六

代宗五人

德宗三十四人

順宗五人

憲宗十七

穆宗九人

敬宗一人

文宗十三人

武宗七人

宣宗十九人

懿宗十五人

僖宗十四人

昭宗二十

哀帝二人

列傳二千二百四十六人

后妃三十三人

公主二百十四人

列女四十七人

婦人計二百九十四人

群臣正傳八百六十三人

子孫附見五百八十二人

附傳二百十八人

忠義五十人

孝友二十六人

卓行五人

隱逸二十三人

循吏十九人

官者二十一人

酷吏十六人

外國六十二國

文武官數

元和中二千七百八十八員 大中中二千七百九十九員

十道州縣

關內 河南 河東 河北 山南 隴右 淮南

江南 劍南 嶺南

州府三百四十五 縣一千六百四十五 羈縻州府八百五十六

天祐已前方鎮六十四 外有觀察使五

防禦使六

關內十二

河南九

河東九

河北六

山南東四

河西二

隴右二

劍南五

淮南一

江南東四

江西四

黔中一

嶺南五

山南西四

田數 開元中一千四百四十萬三千八百六十二頃一十三畝

大中中一萬一千六百六十八萬八千三百五十四頃

稅賦 天寶中租錢二伯萬緡 地稅二千二百四十四餘石

租庸調絹七百四十餘萬疋 布一千三十五萬餘端 粟也 一千九

百四十餘萬石 綿一百八十萬餘屯

大中中稅錢八百五十九萬二千六十一緡九百九十文

兵數 開元中四十九萬人 大中中九十九萬七百一十五人

馬數 開元中三十二萬五千七百疋

鹽數 肅宗上元已後九百餘萬緡

大中中四百八十一萬二千四百四十一緡三百九十文

運米 天寶中二百五十萬石 大中中一百四十三萬七千八百八十六石

茶錢 大中中六十萬三千三百七十緡九十七文

酒錢 大中中一百三十七萬九千九十一緡二百八十六文

鑄錢 天寶中三十萬七千餘緡 大中中一十八萬四千二百

三十餘緡

八曆 戊寅禘 麟德高 開元大行明 寶應 應五紀 宗

建中正元總 長慶宣明 景福崇元 外有中宗景

龍之曆

肅宗有德之曆

藏書

四萬七千八百五十二卷

舊書著錄數新省增二百四十二卷

改元

七十五 大赦三百一十九

貢舉二百六十七

舊書

紀志傳約一百九十萬字 新紀志傳約一百六十四萬字

外新添表約一十一萬二千九百三十字

廢傳都六十一

暢璀

趙國珍

韋元甫

裴胄

盧慧

姚令言

張光晟

源休

蔣鎮

洪經綸

彭偃

李若初

于頔

盧微

鄭元

薛任

關巨源

李祐

董重質

張正甫

徐晦

盧商

李君球

楊茂謙

關濟美

酷吏周興

萬國俊

季子均

王弘義

羅希奭

忠義李公逸

張善相

李玄通

馮立

謝叔方

成三郎

薛愿

袁光庭

邵真

尹元真

忠義

薛原標

袁光庭

邵真

文苑

王君操

孔紹安

庾抱

鄭世翼

張蘊古

盧照隣

楊炯

駱賓王

鄭玄挺

喬知之

富嘉謨

李極

方技

許胤宗

乙弗弘礼

張憬藏

張文仲

尚獻甫

金梁鳳

葉法善

僧玄奘

神秀

一行

新添傳五百五十九

后妃

郭貴妃

王賢妃

宗室

李晦

李之芳

李知柔

諸帝公主

列傳

姜寶誼

段成式

温恪

高重

杜求仁

杜咸

石仲覽

趙來章

趙元

裴積

裴均

史太奈

馮子猷

契苾明

白永男生

裴胄新書在裴灌傳中

關濟美新書附李育德

袁光庭新書附程千里傳薛

盧照隣新書三字

抄新書所添者郭淑妃恭憲皇太后若郭貴妃王賢妃傳書原有非添也

段成式新書在文蔚傳中

抄新書所添者郭淑妃恭憲皇太后若郭貴妃王賢妃傳書原有非添也

抄新書所添者郭淑妃恭憲皇太后若郭貴妃王賢妃傳書原有非添也

李若初新書附

抄新書所添者郭淑妃恭憲皇太后若郭貴妃王賢妃傳書原有非添也

泉獻誠 論弓仁 論惟貞 石抱忠 韓思彥

陸希聲 裴佑先 韋顛 韋知之 韋維

韋繩 韋虛心 韓朝宗 宋務光 呂元泰

武平一 盧襲秀 崔碣 韋縉 韋若虛

姚合 姚助 蘇詵 蘇震 蘇幹

裴佶 嚴澈 劉迥 劉秩 劉迅

李彙 荔非元礼 郝廷玉 李國臣 張伯義

白元光 陳利貞 侯仲莊 元結 戴叔倫

趙惠伯 嚴郢 李德脩 康日知 牛元翼

傅良弼 李寰 劉潼 董溪 段伯倫

段文楚 楊旻 嚴孤及 顧少連 許孺林

杜顛 韓暉 陳諫 凌準 韓泰

烏承玘 杜羔 杜中立 劉义 皇甫湜

盧仝 賈島 鄭薰 敬晦 韋博

李景温 李景讓 顧師邕 李貞素 崔瑕

丁柔立 劉助 蕭鄴 韋琮 鄭延昌

裴坦 盧光啓 韋貽範 韓偓 韓儀

周寶 鄭處誨 雷滿 劉巨容 馮行襲

趙德諲 趙庄疑 楊守亮 楊晟 顧彦明

顧彦暉 李罕之 王敬武 孟方立 楊行密

孫儒 高仁厚 趙雙 趙昶 趙珣

田頴 李延壽 劉建鋒 成汭 杜洪

鍾傳 劉漢宏 張雄 王潮 劉知謙

盧光稠 王行敏 盧士叡 李育德 賈循

馬元規 雷萬春 張興 蔡廷玉 符璘

南霽雲 孟華 黃碣 孫揆 程表師

任敬臣 支叔才 程表師 武弘度 宋思禮

孝友

忠義

韋顛舊書在 見素傳中

郝廷玉舊書與 馬隣同傳

趙惠伯為嚴 郢潛死事在 郢傳中非在 三傳也 段伯倫舊書在 秀實傳末

南霽雲舊書 符璘舊書有 傳但無令奇耳

此舊書并姓牙子  
于瑞新書附蕭  
德言信中此既悞  
以許為蕭又以子  
孫為彭濟悞  
甚也

此舊書鄭神位女  
王孝女和子傳未

此舊書有吐交  
亦瑞地生良楊後  
先自合後楊後恭  
李述非也

鄭潛曜 元讓 侯知道 萬敬儒 章全益 沈季詮 陳饒奴

隱逸 許伯會 王傳武 秦系 張志和 陸羽 陸龜蒙  
循吏 朱挑推 秦岫 張宙 盧宏宣 薛元賞

儒學 何易于 蕭子儒 沈伯儀 張齊賢 陳貞節 施敬本  
盧履冰 王仲丘 康子元 啖助 韋彤

文藝 陳京 韋公肅 元義方 元季方 王勳 皇甫冉  
劉藏器 元正 張旭 裴旻 柳并

方技 王助 李觀 鄭虔 蕭存 李類 吳融  
盧綸 歐陽詹 歐陽矩 吳武陵 李頴 吳融  
袁客師 杜生 邢和璞 師夜光 羅思遠

烈女

姜撫 房玄齡妻盧 李畬母 汴女李 堅貞節婦李  
高叡妻秦 饒娥 金節婦 高愍女 盧惟清妻徐  
賈直言妻董 鄭孝女 段居貞妻謝 楊含妻蕭  
竇烈烈婦 周迪妻 李延節妻崔 殷保晦妻封絢  
鄭光 吐寔承璫 劉克明 田令孜 楊復恭  
駱奉先 劉貞亮 馬存亮 嚴遵美

外戚

仇士良 楊復光 劉克明 田令孜 楊復恭  
劉季述 張彥弘

藩鎮

延陀 野古 僕骨 司羅 吐谷 渾

元讓舊書有傳

王勳新書附王勳傳

李類新書附李類傳

藩鎮上有

延陀上有

契苾羽	多覽葛	阿鍾	葛羅綠	拔悉密
都播	骨利幹	白霄	烏羅渾	烏丸
鞠	俞折	駁馬	大漢	黠戛斯
沙陀	流鬼	跋祿迦	摩揭陀	寧遠
吐火羅	謝颯	識匿	箇失密	骨吐
蘇毗	師子	南詔上南詔下	蒙雋詔	
越析詔	浪穹詔	澄暎詔	施浪詔	扶南
投和	瞻博	室利佛逝	名篋	單單
昆明	傍望諸蠻	朱友恭	西原蠻	
蔣玄暉	張廷範			
叛臣 陳敬瑄				
逆臣 董昌				
舊志十一種	禮儀	音樂	曆	天文五行地理
職官	輿服	經籍	食貨	刑法

新志三種

表四種

儀衛

宰相

選舉

方鎮

兵

宗室世系

宰相世系

唐書著於五代幅裂之際成篇迫遽殊未詳悉故有詔纂緝十餘年矣今廣內藏書之盛傳紀可以質據者得大衍景福之曆而律歷志可完矣得職該六典之書而百官志可完矣得開元曲臺禮郊祀錄而禮樂志可完矣若劉昫詆誤之甚蒙切能導其一二或闕而不傳如賈循南霽雲之忠李翱武平一之文張志和武攸緒之高尚是也或立傳而無所沮勸若竇德明夏侯孜之循默祖孝孫傅仁均之曲藝龐嚴李景儉之彫放是也或闕其本而不載張巡之哭廟興兵果師之指衣定謀是也事淺近而書者若僧孺太平之對再思諂二張之美是也或善惡同傳若李石之與僧孺楊綰之與常袞是也或子孫無大善而折呂別傳而蕭俛不附蕭華杜元穎不附如晦是也

書之貴舊鈔本與宋元本者以差誤少耳世之知此者能有幾人是  
冊雖摹仿宋本以非出良手頗多脫謬前哲曾加校讐然未能  
悉正今借善本細為勘校其中稍有刪節則遵借本之舊例

識



唐書直筆四卷宋呂夏卿撰夏卿字縉叔泉州晉江人舉進士  
為江寧尉歷官宣德郎守秘書丞以預修唐書告成擢直秘閣  
同知禮院出知穎州卒于官亮進射唐書表所列預修  
者七人夏卿居其一晁志云是書乃在局時所撰歐宋間有取焉  
所有未符乃不取者其取者未必皆是其不取者亦未必皆非也





